

# DITOKOMANE TSA TSHEHETSO TSA HO FALLA

Ha o etsa kopo ya Maemo a Boikobelo ba Tefo ya Lekgetho (TCS) bakeng la ho falla, o lokela hore o nehelane ka ka ditokomane tsena tse latelang tsa tshehetso.

## Ho etsa kopo e ntjha ya Maemo a Boikobelo ba Tefo ya Lekgetho (TCS):

- Moo kopo ya TCS e leng ya mofalli ya etsang sena lekgetlo la pele:
  - Setlankana sa thepa le dikoloto tsa dilemo tse tharo tse fetileng tsa lekgetho (sena se lokela ho kenyeletsa le tshenolo ya tsohle tse mabapi le matsete, diakhaonto tsa kadimo le dikabelo tsa dikhampani tsa lehae le tsa mose, ditherasete, jwalo-jwalo)
  - MP336(b) - 'Emigration: Application for foreign capital allowance' e netefaditsweng ka setempe sa Mohwebi ya Dumelletsweng (mohlala: banka) ya amehang mmoho le tshaeno ya e mong wa Diofisiri tsa ona tse Dumelletsweng kapa
  - Moo mohwebi ya dumelletsweng (mohlala: banka) a o tsebisitseng hore o se tlatse MP336 (b), mohwebi eo ya dumelletsweng o tlameha ho fana ka lebaka/mabaka a hore ke hobaneng ha MP366 (b) e sa lokelang ho tlatswa.
  - Moo ebang o falletse ntle le ho lokisa ka molao bofalli bona ba hao le Banka ya Risife ya Afrika Borwa (SARB) kapa o ile wa falla kgale mme ka hona o se na thepa kapa dikoloto ka hara Afrika Borwa (*Nil assets and liabilities declared on the MP336(b)*), ho tlameha hore ho fanwe ka Setlankana sa dilemo tse tharo tse fetileng tsa lekgetho tsa ha ho letho (*Nil*) se mabapi le thepa le dikoloto.
  - Ho hlokeha Matla a Moenedi wa Molao moo kopo ya TCS e nyehetsweng ke motho e mong ntle le molefalekgetho.
  - Kuno e entsweng ka mora thekiso ya dithoto ka lebaka la tlhelo ya thepa eo ho nkuwang e etsahetse letsatsi pele molefalekgetho a kgaotsa ho ba moahi.
    - Sena se sebetsa moo bokaalo bo kenyeleditsweng tlasa botsetedi bo leng mebarakeng ya ditjhelete le bo seng mebarakeng ya ditjhelete mmoho le thepeng e nngwe (mohlala: Dipapetlanwa tsa Kruger).
- Moo mokopi e leng setho sa penshene kapa sa letlole la ho beha meja fatshe, ho tla hlokeha dintlha tse latelang bakeng la letlole ka **leng** mme tsena di tlameha ho ba maqepheng a fapaneng:
  - Lebitso la letlole;
  - Tjhelete yohle eo ho lebelletsweng hore e lefuwe; le
  - Letsatsi leo tefo e lebelletsweng ka lona
- Moo mokopi e **leng** setho sa penshene kapa sa letlole la ho beha meja fatshe, ho tla hlokeha dintlha tse latelang bakeng la letlole ka leng mme tsena di tlameha ho ba maqepheng a fapaneng:
  - Lebitso la letlole;
  - Tjhelete yohle eo ho lebelletsweng hore e lefuwe; le
  - Letsatsi leo tefo e lebelletsweng ka lona
- Moo mokopi a nang le pholisi ya inshoreense ya Afrika Borwa, ho tla hlokeha dintlha tse latelang bakeng la pholisi ka nngwe ya Afrika Borwa ya molefalekgetho mme tsena di be maqepheng a fapaneng:
  - Lebitso la khampani ya inshoreense;
  - Aterese ya khampani ena ya inshoreense;
  - Nomoro ya pholisi;
  - Letsatsi leo ditholwana dife kapa dife tsa pholisi ena di lebelletsweng ka lona; le
  - Dintlha tse lebelletsweng kamoso tsa ditholwana tsa pholisi eo.
- Moo mokopi, mosadi kapa ngwana e monnyane e leng baunamolemo ba therasete, dintlha tse latelang di tlameha ho nehelwa maqepheng a fapaneng:
  - Lebitso la therasete;
  - Nomoro ya referense ya lekgetho la lekeno la therasete;
  - Lebitso/mabitso a beng ba therasete;
  - Aterese ya poso ya therasete;
  - Aterese ya kgwebo ya therasete;
  - Mofuta wa lekeno le fumanwang theraseteng le bokaalo ba selemo ka seng ba lona;
  - Letsatsi leo o neng o fumana lekeno lekgetlo la pele ho tswa theraseteng;
  - Bokaalo ba kgwedi ka nngwe kapa ba selemo ka seng boo o bo fumaneng ho tswa theraseteng.

- Moo mokopi, molekane kapa ngwana e monnyane e leng beng ba diabo ba khampani ya praevete kapa e leng ditho tsa koporasi e kwetsweng, dintlha tse latelang di tlameha ho nehelwa maqepheng a fapaneng:
  - Lebitso la khampani ya praevete / koporasi e kwetsweng;
  - Nomoro ya referense ya lekgetho la lekeno ya khampani ya praevete / koporasi e kwetsweng;
  - Palo ya diabo / phesente ya kgahleho;
  - Aterese ya poso ya khampani ya praevete / koporasi e kwetsweng; le
  - Aterese ya kgwebo ya khampani ya praevete / koporasi e kwetsweng.
- Ebang e le lelapa mme molekane a batla hore a fuwe TCS ya hae ka thoko hore a tle a tsamaise bofalli ba hae ka molao, molekane eo o tla tlameha hore a etse tse latelang:
  - A tlitse foromo ya kopo e ka thoko e bitswang *TCR01 - Tax Compliance Request*
  - A fane ka khopi e netefaditsweng ya MP336(b) ya makgaolakang e nyehetsweng mohwebi ya dumelletsweeng (E SENG khopi ya MP336(b) e nyehetsweng ke monna/molekane wa bophelo bohle le
  - Ho fana ka ditokomane tsa tshehetso ho tshehetsa kopo ena ya hae.

**Hlokomela:** Tsena tse boletsweng ka hodimo di ka se sebetse ebang lelapa le falla mmoho mme dintlha tsa molekane di hlahella ka hara TCR01. Ebang sena se etsahala, lengolo le nang le PHINI ya TCS le tla akaretsa dintlha tsa molekane (ke hore, mabitso, nomoro ya referense ya lekgetho [ebang ho hlokeha] mmoho le nomoro ya ID kapa ya phasepoto).

## DITOKOMANE TSE ITSENG TSE HLOKEHANG BAKENG SA DIKOPO TSA BOFALLI HO SUPA MOHLodi WA TJHELETE

- **Kadimo:**
  - Moo motswadi a adimang ngwana tjehelele hore a e tsetele mose:
    - Tumellano ya kadimo; le
    - Setlankana sa banka sa motswadi, se sa feteng dikgwedi tse 3.
  - Therasete e adima setho sa yona kapa mokgolamolemo tjehelele hore a e tsetele mose:
    - Tumellano ya kadimo; le
    - Setlankana sa banka sa therasete kapa sa mokgolamolemo, se sa feteng dikgwedi tse 3;
    - Boemo ba moraorao tjena ba ditjehelele tsa Therasete;
    - Setlankana sa banka sa Therasete, se sa feteng dikgwedi tse 3; kapa
    - Setlankana sa moraorao tjena sa potfolio ya diabo tsa therasete (se sa feteng dikgwedi tse 3). Setlankana sena se tla boela se kenya bokaalo ba diabo le boleng ba tsona mebarakeng ha jwale.
  - Khampani e adima molaodi wa khampani tjehelele hore a e tsetele mose:
    - Tumellano ya kadimo pakeng tsa khampani le molaodi;
    - Setlankana sa banka sa molaodi, se sa feteng dikgwedi tse 3; le
    - Ditlankana tsa moraorao tjena tsa khampani tsa selemo ka seng sa ditjehelele.
- **Nyehelo:**
  - Ebang nyehelo e le pakeng tsa balekane:
    - Tsebahatso (IT144); le
    - Setlankana sa banka sa monyehedi, se sa feteng dikgwedi tse 3.
  - Ebang nyehelo e se pakeng tsa balekane:
    - Tsebahatso (IT144)
    - Bopaki (Khopi ya rasi) ya lekgetho la dinyehelo tse lefilweng; le
    - Setlankana sa banka sa monyehedi le sa moamohedi wa nyehelo, se sa feteng dikgwedi tse 3.
- **Lefa:**
  - Lengolo le tswang ho moabalefa wa lefa leo;
  - Khopi ya akhaonte ya Likhwideishene le Kabo; le
  - Setlankana sa banka, se sa feteng dikgwedi tse 3.
- **Diakhaonte tsa Polokelo / Tjehelele / Banka / Tjehelele e tsepamisitsweng:**
  - Setlankana sa banka, se sa feteng dikgwedi tse 3; le
  - Bopaki ba mohlodi (mohlala: o fumana tjehelele eo kae, jwang).
- **Diabo:**
  - Setlankana sa potfolio se sa feteng dikgwedi tse 3. Setlankana sena se tla boela se kenya bokaalo ba diabo le boleng ba tsona mebarakeng ha jwale.
- **Thekiso ya moaho/ntlo:**
  - Lengolo la sethatho la Setsebi sa tsa phetiso ya matlo le tiisang phetiso ya ntlo le hore tjehelele eo e tla fetiswa ho tswa akhaonteng ya therasete ya hae; kapa
  - Bopaki ba kamohelo ya merokotso mmoho le setlankana sa banka sa mokopi se sa feteng dikgwedi tse 3.
- **Lekeno la Royalthi:**
  - Mohlodi wa lekeno la royalthi; le
  - Bopaki ba tefo ya royalthi.

- **Meputso:**
  - Moo o na leng botsetedi bo iphethaphethang ba matjhabeng mme bo sa fete R30 000 ka selemo ho tla hlokeha khopi ya selipi sa moputso wa hao hang ka selemo;
  - Nomoro ya pholisi; mme
  - O hlokomele hore setheo (mohlala: Sanlam / Old Mutual) se tla etsa kopo boemong ba hao.
- **Dikabo tse tswang theraseteng:**
  - Diqeto tsa Therasete e etsang dikabo;
  - Dintlha tsa mohlodi tsa Therasete e etsang dikabo;
  - Setlankana sa banka sa Therasete, se sa feteng dikgwedi tse 3; kapa
  - Setlankana sa moraorao tjena sa potfolio (se sa feteng dikgwedi tse 3); setlankana sena se tla boela se kenya bokaalo ba diabo le boleng ba tsona mebarakeng ha jwale.
  - Khopi ya tokomane ya therasete; le
  - Ditlankana tsa moraorao tjena tsa Selemo ka seng tsa Ditjhelete tsa Therasete.
- **Tse ding:**
  - | Bopaki bo ngotsweng le tlhaloso.
- Moo kopo ya TCS e leng mabapi le Thepa e setseng ya Mofalli (eo pele e neng e tsejwa e le *“Blocked Funds”*):
  - Khopi ya Setifikeiti se Pakahatsang Tefo ya Lekgetho (TCC) kapa Lengolo la PHINI ya TCS - la Mofalli leo SARS e kileng ya le ntsha pejana.
  - Khopi ya kopo ya MP336 (b) e kileng ya nyehelwa pejana;
  - Sehlomathso se bolelang bokaalo bo lebelletsweng ho ka fetiswa; le
  - Matla a tlatsitsweng ka botlalo a Moemedi wa Molao ka molefalekgetho (ha feela kopo e kentswe ke moemedi wa molefalekgetho).
  - Balefalekgetho ba seng ba falletse mme ba batla ho etsa phetiso ya *‘Emigrant’s Remaining Assets’* ba lokela ho kopa TCS ya FIA ka [eFiling](#) kapa [lekaleng la SARS](#). Ha o etsa kopo ya TCS e mabapi le FIA, o lokela ho fetolela *‘Source of capital to be invested’* ho *‘Emigrant’s Remaining Assets’*. Ho fumana lesedi le leng, boha [motjha wa phetiso ya Thepa e Setseng ya Mofalli \(Blocked Funds\)](#).